



partii naleraq

Nuuk 12. oktober 2018

UKA2018/208

Jens Napãtøk, Partii Naleraq

Inatsisartut aalajangiiffigisassaattut siunnersuut Namminersorlutik Oqartussat ilalissagaat Nunat Avannarliit isumaqatigiissutaat qaffasinnerusumik ilinniagaqarnissamut isersinnaaneq pillugu.

(Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq)

Siullermeerneqarera

Partii Naleqqamiit ilinniartitaaneq oqaasiinnaanngitsumik pimoorullugu tapersigaraarput.

Ilinniartitaaneq siunissamut aningaasaliineruvoq pitsaasoq nunatta siunissaanut inuinullu iluaqutaasussa, tamakkiisumik pitsanngorsarlugulu tapersersortuagassa.

Taamaamat oqaatigeriissavarput tamakkiisumik Partii Naleqqamiit tapersersoratigu Naalakkersuisuniit aalajangiiffigisassaattut siunnersuutaat, Tassalu Namminersorlutik Oqartussat ilalissagaat qaffasinnerusumik ilinniagaqarnissamut isersinnaaneq pillugu Nunat Avannarliit isumaqatigiissutaat

Partii Naleqqamiit nuannaarutigaa 1997-iminngaaniit piffissamik aaliangersimasumik sivilisussuseqartumik ilinniariartortarsinnaanermut piffissanik aliangertarsimanerit maanna siunissamut killeqanngitsumik atuuttussanngormat.

Partii Naleqqamiit neriuutigaa ilinniartunit nuna avannarlernut periarfissaq atorluarneqassasoq aammalu tamatuma atorluarneruneqarnissaanik Naalakkersuisut aporfiusinnaasut annikkillisarlugit periarfissalersuineq annutusaavigissagaat, nunattami pisiaqartippai nunap inui ilinniarluarsimasut aammalu nunarsuarmioqatitsinnut peqataasut, tamannalu tamakkiisumik periarfissarsiorlugu pitsanngorsaaviginissaa tamaviaarutigineqassasoq.

Tusarniaanermi maluginiagassaavoq periarfissaq manna ingerlaannarnissaa iluatinnaateqarmat annertunerusumik qisuariarfigineqarsimanngitsoq, taamaattorli maluginiagassaavoq tusarniaanermi Qeqqata kommuniata tikkuarsimagaa tusarniaanermi piffissaanngitsoq atorlugu tusarniaasoqarsimasoq, tassalu feriap nalaani suliffeqarfiup nalaani tusarniaasoqarsimammat.

Taamaamat Naalakkersuisut kaammattorusuppagut piffissaliilluarluni aammalu feriarfiit aasakkut juullikkuni allanilu sulinnigiffeqarnerit ataqquilluinnarlugit tusarniaanerit ingerlattassagaat.

Nunap inuisa Nuna Avannarlerni siunissami killilerneqanngitsumik ilinniariarsinnaanerani piffissami siunissamut killeqarunnaarnera, Inatsisartut aaliangiiffigissaattut siunnersuut tamakkiisumik tapersorsorparput.

Taamatut Partii Naleqqamiit oqaaseqarluta tamakkiisumik tapersiinerput nalunaarutigaa.